

Rapport della 39avla radunonza populara d. Romania ils 22 de settember 1935 a Sedrun

Objektyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **25 (1936)**

PDF erstellt am: **28.05.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, www.library.ethz.ch

<http://www.e-periodica.ch>

mont, stud ret. I. de Vella, actuar. Nus havein pia puspei buna speronza de saver continualar cun nossa lavur egl ideal survetsch della cara, mumma romontscha e l' Academia vegn era egl avegnir ad ira per sia veglia via comprobada. Concludend nus exclamein:

Students romontschs a Sviz luvrei
cun stenta, forz'e buna fei!
Per vies schi bi lungatg matern
adina ardi vies intern!

Curaglia, ils 7 d'uost 1936.

Il protectur: A. Giger, prof.

Rapport della 39 avla radunanza populara d. Romania ils 22 de settember 1935 a Sedrun

La regenta crisa economica lubescha buca pli de far dus dis fiasta. Perquei han ins cun tutta raschun arranschau la radunanza generala sigl avonmiezdi della dumengia.

Igl actual president sgr. Erwin Durgiai salida ella Cruna in bi diemberet activs, sco era entgins passivs. Grazia al bien e beinme-nau presidium, san las tractandas vegnir liqui-dadas en cuort temps.

Approbaus il protocol della davosa fiasta de Razen, dat il speditiv president ina cuorta survista dil curriu e passau digl onn vargau. La Romania sto displascheivlamein registrar plirs mortoris de prominent amitgs e fauturs dil ro-montsch: Vice-president Luis Schuoler de Sum-vitg, Pader Maurus il grond, secr. guv. Gion Disch e cuss. dils cantuns Giusep Huonder.

Tractandas: Il rapport de Tschespet ed Ischi dat sgr. prof. R. Vieli, essend il redac-tur dil Tschespet, Sur Can. Cahannes absents.

Nies carezau redactur digl Ischi seretrai sco redactur. Ad el che ha duront plirs onns redegiu nies organ cun gronda premura, attenziun e sacrifici contadad, senza bonificaziun, grond engraziament! En siu stagl vegn sgr. mistral Giuseppe Demont de Sevgein elegius unanima me in.

Las tablas commemorativas de nos dus pioniers e campiuns romontschs: Dr. G. Michel Nay e prof. Placi Condrau san vegnir eregidas.

Tiel rendaquen ston ins constatar ch' il deivet della Romania ei carschius uonn per 1000 frs. Il recav digl Ischi ha dau in bene de 146 frs. Mo la contribuziun dil fondo Cadonau, ch' il nunstunclenteivel president actual ha puspei pudiu francar per dus onns, sa gidar nus ord ils deivets. Ils inserats digl Ischi dueian vegnir augmentai e la remuneraziun digl acquisitur dei vegnir fixada definitivamein.

Sgr. prof. Vieli vegn elegius ella commis- siun redaczzionala de Tschespet ed Ischi.

Als redacturs de Tschespet ed Ischi vegn fixau pigl avegnir ina contribuziun annuala de 250.— frs. l'in per spesas ed honoraris.

Liug festiv per igl onn 1936 vegn previu Savognin.

La nova suprastanza per 35/36 secompona sco suonda: President: Erwin Durgiai, stud. jur. Cuera. Vicepres.: Victor Huonder, stud. med., Mustér; Actuar: Balzer Coray, stud. ped., Ruschein; Cassier: Ludv. Huonder, scol. Mu- stér. Revisurs de quen: Dr. Aug. Cahannes, Cuera, Victor Sialm, Segnas.

Suenter miezdi ha liug la radunanza populara el curtgin dil Hotel dell' Alpsu. Il pres. della Romania sgr. E. Durgiai salida e benevonta cun buna viarva romontscha l'entira

tschentada. Felici Monn, pres. beneventa tuts presents en num della vischnaunca de Tujetsch.

Rev. Sur Can. Brugger dat agl auditori cun siu edificont plaid festiv: N i e s P a d e r M a u r u s in bien maletg dil car defunct (Gas. Rom. Nr. 39). Era sgr. mistral regent Dr. Giusep Condrau seregorda silsuenter en cuorts mo enflammons plaids dil pionier della Romania.

La sera suenter tschëina ella sala dell' Alpsu delectescha sgr. mistral Demont la radunanza cun in secund bi plaid festiv: P a d e r M a u r u s e s e s m e r e t s per il moviment dil romontsch. (Gas. Rom. Nr. 40, 42).

El decuors della sera han ins aunc giu l'honur d'udir ulteriurs amitgs ed oraturs romontschs sco prof. Vieli, Dr. P. Tuor, cuss. d. cantuns Dr. Willi, mistral Berther, Sur prof. Aug. Giger, pres. G. F. Monn, Ant. Huonder, B. Cadalbert, stud. C. Maron e Stiafen Berther.

Il nunstunclenteivel promotur e fautur romontsch, prof. P. Tuor propona ina resoluziun, che vegn acceptada unanimamein da tuts ils presents. Ella duei francar la fideivladad a nossa cara viarva materna. (Gas. Rom. Nr. 40 e protocol.)

Summa summarum la 39 avla fiasta e radunanza della Romania ha priu in emperneivel, gie fetg cuntenteivel decuors. Possi quei spért ed anim per nossa faviala romontscha strenscher pli e pli ils ligioms tier in statteivel:

Romontschs vi esser e restar!

Igl actuar:

Balzer Coray, stud. ped.